



978218

池北詩鈔卷二

湘潭齊起鯤海南

古今體詩

癸丑元旦

馬齒卅八春錢歲安樂國今又換桃符梅花
好顏色家人喜團圞我胡悶岑寂粵嶠豺狼
犇自湖南而北哀哉太府常捐軀奉乃職漢
水流血紅郢都堆骨白土憐夏口焦艦望晴

池北詩鈔

卷二

一

川塞雪壓相公營風厲將軍戟肉食不能謀
籌筆者何策一任黃虎哮羣墮紅羊劫朝朝
下咽難干戈苦未息稚兒辛盤供老妻椒酒
滴他方悲散離茲幸歡晨夕况值履端辰母
爲太戚戚門客道新禧強顏出答揖

元宵

銀橋火樹燭天紅掩映旌旗遠蔽空江漢未
銷穢賊恨崑崙應奏奪鬪功官加上將巴圖

魯刀賜中堂，過必隆。叨受君恩，當此夕，不知若箇運籌工。

春筵篇

開春筵，上元前日食。何曾一萬錢，罷春筵。端午前猶說羹湯，若箇鮮。迭爲賓，兮迭爲主。今日不來他日補，觥籌纔把雉盧呼。搦戰又將手，屢舞并非雞豚賽。社時扶醉歸，未仍戶戶炊金饜玉爾。何喜一朝瓶罄，惟疊恥。惜福須

池北詩鈔

卷二

二

知在惜財飲食之人賤矣哉。噫嘻，酒食微，遂有何味。况逢世難，天當畏。粵氛昨日破石頭，我皇減膳聞曾未。

送別龍潭山長何簡庭學博

酒綠燈紅忽黯然，許多秋色慘離筵。知名海內經師仰，奉檄天涯孝子旋。此別難忘元度月，幾時仍泊晦翁船。臨歧小阮涔，二淚爲領春風已二年。

朝夕源頭許問津
驪歌偏促欲行身
剛教馬帳容殘客
轉向龍潭惜替人
紅葉風乾清驛路
黃花霜老襯歸輪
不知東閣梅開後
可有新詩寄我頻

東坡先生笠屐圖

舉世莫能容奇才
任潦倒一朝僮耳
謫蕭然傷懷抱
老去猶棲隔海村
村裏黎生可與言
欽遲元仗展良覲
礪塊消餘酒一尊
過從從

池北詩鈔

卷二

三

此日復日晴日先生那不出
偶然歸路兩傾盆
兩具笑假農人室
頭戴笠腳著屐高視闊
步嫌路窄矇者矇
吠者吠到處喧豖聽若輩
矇公吠公公意快謂少
所見多所怪笠公屐
公公顏喜風流想像畫
圖裏畫圖裏有如此
足千秋東坡子君不見
畢秋帆瓣香年年供
奉巖又不見宋商邱
摹像冠公詩集頭

聞江西賊潰

妖雲低壓豫章城烽火相鄰幾度驚百五日
來圍衣解四千里外亂當平茂才身爲從軍
死湘鄉謝太尉師因赴難征軍岷樵撫南贛
昔年功紀石教人那不憶文成

哀江南

洪水滔天大江橫黑雲黯黯鐵甕城城兵自
昔分內外城漢兵內滿兵曩者戒嚴奉
嚴旨况乃天設險如此金陵形勝鞏金湯天

池北詩鈔

卷二

四

塹山河固表裏將軍下令大張幟霸上棘門
等兒戲椎牛饗士宴未終敵軍羣詫從天至
竟使昭陽陬月間傷心文武衣冠異賊所恃
者狐地虎敦州協從挖窿戶捨笏地道伏地
雷雷吼陡傾城百堵一窠蜂擁哭聲起殺人
如麻滿街市官員二百頭滾瓜軍民千萬血
流水旂下健兒靡子遺三軍喪氣寇深矣淮
陽更豎太平旗北固旋築天德壘祇今愁煞

向將軍朝陽門外圍不解噫吁噫王導果有
勦力心新亭何必泣沾襟王濬倘能下益州
降幡指日舉石頭

從軍行送友人戍岳陽

望江南江南黃葉血殷殷潯陽殺氣慘心目
荻花秋老戰場間秋來春去戰不已南部金
湯陷封豕鼙鼓重聞薄漢陽黃鵠磯頭狼煙
起長槍大戟各登壇我輩安用毛錐子君今

池北詩鈔

卷二

五

投筆請從軍馬革裹尸輕萬里腰劍靴刀戍
岳陽送君從此事戎行要識使船如使馬會
須擒賊先擒王建殊勲者受上賞朝家豈惜
恩崇獎孔翠高冠寶相袍一軍皆驚士無兩
行看百戰立功勲麒麟閣上書生像

讀鐵耕近詩

寄來詩卷筆如神戎馬同傷幾度春我寫性
情君數典時人誰惜苦吟身

征婦怨

男兒要大名君子重偕老結髮甫移天海內
遭雲擾昔爲連理枝今作分飛鳥可憐深閨
月出照漁陽道飲餞手一觴欲語傷懷抱高
堂妾自恃遠戍郎自保行行重行行何時觴
再倒思君淚如綆流向湘江淼湘流有盡頭
妾思長繞繞

鹿門招飲晤羅枚臣話別

池北詩鈔

卷二

六

江東才子舊知名都講堂前蓋早傾銜龍馘
樽酒一燈蕭寺影佩刀千里故交情天涯萍
水因風聚河畔蘭橈帶雪橫此別定售和氏
璞不應落魄惱書生

冬夜聊借一枝晶舍同內作

寸草春暉感十霜米鹽凌雜累閨房一枝可
借聊棲止裙布釵荆老孟光

寒燈分照夜闌時夢醒鄰人隔壁嗤二老不

知何意味一聲紡罷一聲詩

阿楨上學款嚴師草草杯盤仗主持幾度商量中饋事詰朝相送莫教遲

易萱亭妹倩五十初度

五十年來一擲梭半生閱歷竟如何階前五樹栽培好譜上金蘭贈答多已賦閒居同騎省可知作活似東坡過庭定惹靈椿笑彩服兒郎鬢又皤

池北詩鈔

卷二

七

干戈隊裏記抽身
蔦柏蘿松託比鄰
分宅卽成欣
讓我登樓王粲愧
依人西風客醉黃花酒
古洞仙尋白鹿春
今日升堂歡似舊
敢攜醞醕祝弧辰

哭馬午初茂才

曇花一現倏驚凋
愁煞萱闈白髮飄
不幸我傷顏
子命無兒誰續
鄧家祧豈真天地將才忌
畢竟聰明要福消
知否山房投豆處
有人

剪紙片魂招

春日有感

水流花落太無情，靜掩柴關百感生。
吳苑干戈猶擾攘，楚江風雨劇淒清。
年荒吏急公家稅，春冷人閒隴上耕。
時事如斯憂未已，不禁老淚杜陵傾。

嚴湖漫興

桃源深處絕囂塵，洞口漁郎再避兵。
出岫雲

池北詩鈔

卷二

八

如人意嬾在山泉，共客懷清鶻魂望帝春。
無語桐鷗鶴背招，仙夜有聲賴倚葭。
親爲地主一尊長，對敘歡情。

端午同顏復齋畱別易萱亭

平安火報碧湘城，喜極頻斟酒百觥。
五日兩家偏作客，六年七省未休兵。
連床風雨催詩急，別室煙霞入夢清。
況蹕回首家山無恙在，榴花紅處動歸旌。

初秋書懷

江上采菱歌漸起沈寥天氣意何堪蠟丸表
已通河北北無警銅柱功誰立嶺南耨耨老去
吟情因亂苦病餘藥性藉醫諳半簾疎雨新
涼透坐對梧桐翠色參

暮過山村

薄暮獨行行頽陽戀村塢投宿鳥喧林分羣
牛識主中途遇樵夫嘯歌與吾伍微聞除荆

池北詩鈔

卷二

九

棘良木戒毋斧旨哉樵夫言卽是治民譜歸
來稚子迎朗月照堂廡

齋中菊

秋菊多佳色高齋寄此生花如人意淡香帶
墨華清晚節超羣卉孤芳記舊盟莫言元亮
少愛汝有同情

定王臺

蓼花依舊滿園抽賸有臺名帝子畱漢代藩

封貧國地唐姬恩寵長門秋著來小袖衣空
舞望斷長安淚自流今日登臨重搔首慈鴉
一一繞松楸

蔡忠烈公祠墓

報君恩難顧親養捐軀遑惜九人葬天臨上
踞洞庭湖江門一去誰保障高廟易各加
殊錫臣敏中奉御詩刻巍巍羨門留古香
懍二遺像隆血食如何鐵不鑄先民理靈坡

池北詩鈔

卷二

十

上行人擊

江中丞行

廬州城內迎中丞廬州城外隕大星中丞學
書并學劍習六韜時才弱齡毫端昨夜花痕
吐衣上頻年戰血腥自從粵賊洞庭去鄂渚
烽連漢陽樹武昌濁水魚難食漢口夕陽鳥
不度武昌漢口盡蜂屯安得中丞保黎庶制
軍保任奏提刑戎幕參謀馳露布監軍郎日

赴章江鐵鞭掃盡蚩尤霧 天語煌煌錫嘉
命開府皖江威克振魄城未復賴汝復權把
廬州作安慶中丞奉 詔勤撫綏提督軍門
任設施八千子弟甲全解三鎮兵戎柄獨持
豈料防踈致敗績馬腹貽悔鞭莫追魯陽金
戈已挽斷光弼鞞刀早自隨鞠躬盡瘁死而
已清風亮節千祀垂大義光昭亘乾坤不負
朝家拔擢恩中丞繫誰臣請記岷樵先生江

池北詩鈔

卷二

十一

忠源

送楨兒入學

送女入鄉塾語女有訓辭莫恥惡衣食莫效
輕薄兒士當先器識而後文藝爲業精精于
勤業荒荒于嬉青春那再來老大徒傷悲芬
芬芝蘭臭皎皎玉樹姿謝家階庭上培養芳
華滋絳幘拜女伯黜躄躑躅豈不以此期勉旃
復勉旃語終動長思迴憶綴學日北堂屢戒

之舞罷綵衣綵勸別慈雲慈女學我有訓我
訓母豈知送女出門去兀坐雙淚垂

重過劉花痴培園小樓兼憶乃兄秋槎
培園賸有三弓地爲劊樓居分外嘉一帶林
泉詩世界半簾風月酒生涯賦成王粲才無
敵豪到元龍士莫加倚笛同來人不見依稀
煙景夕陽斜

郊遊

池北詩鈔

卷二

十二

自分天隨子尋春到古原治顰傾社酒布穀
碎禽言靡草綠盈塢桃花紅半村田決三兩
至邀我入柴門

偶成

半百年華閱歷多不妨癡拙讓樓羅懷才莫
學禰鸚鵡種樹當師郭橐駝想合時宜身已
隱怕成老態鬢偏皤佗看南國狼烽靖一任
衡山嘖嘖歌

南窗高臥葛天民無限愁懷擾夢頻
史上得名多豎子古來誤國半庸臣
金人閱世三緘口鐵漢經年百鍊身
賴有盍簪能解悶酒觴詩句見情真

烏鳥篇

楂二鵲啼啞二鴉叫鵲啼人權鴉叫人誚喜
鵲以祥聞惡鴉以殃告豈知世間人禍福原
自名降祥與降殃烏胡能預報鵲巢鳩居之
祥亦難自料鴉有反哺仁人誰肯慕效我獨
喜鴉鳴藉茲好勸孝曰如有不祥鄙衷所未
到

寄懷歸田楊花岩丈

武陵烽火逼歸旌手挈青氍返洞庭
三郡諸生畱化雨歷科進士睹晨星
琴書以外無裝束松菊之間有戶扃
知否龍潭舊桃李絳幘重望客談經

新屋訪毛潤夫謝南屏

榻來王儉幕不礙野雲停
舊雨聯今雨蘭馨共墨馨
泉流雙澗白山送一簾青
活水新茶試清談倚曲櫺

讀謝蔚芝詩稿

久擬琴音聽伯牙果然洗耳到箏琶
家傳韻事池生草豔奪騷情筆吐花
我愛衛賓爲小友人稱王勃是名家
從教著作名山富甲乙

池北詩鈔

卷二

十四

編年繼永嘉

游絲

何物繽紛五色鮮一時抽出大羅天
散當密後原無雨裊向空中似有煙
楊柳夢回情宛轉海棠歌罷曲纏綿
平原買就憑誰繡擬把金針乞巧穿
來無蹤迹去無聲萬縷垂看最有情
隨處欲尋思婦錦此行應續想夫箏
紅牽餘綺流霞

晚素襯香羅疊雪輕吹入銀河勿纏在天孫
懸待織機成

誰云無著是天親爲黑爲黃未了因萬里溫
綸常捧日九州惠績定超塵非關吐屬春蠶
力不受羈雷野馬身結伴卻慚雙鬢影飄零
偏戀白頭人

天空海闊動相隨底用途逢墨子悲別我未
題黃絹日憶君猶抱素琴時卷舒隨意春難

池北詩鈔

卷二

十五

管牽挂無心世不疑字內紛綸正多事請纓
孤負數年期

同文古梅過棄木櫟舫

愛攜故侶訪祇林松竹招提曲徑深扇畫幾
家懷素稿蘄黻囊投一曲伯牙琴黼黻客閒
都有逃禪意僧嬾全無佞佛心梔子花肥蕉
葉大及時行樂且高吟

江干晚步

小立斜陽古渡邊
嫩涼殘暑芰荷天
一丸兔魄澄秋水
兩岸蟬聲咽暮煙
霜杵有情和月揚
漁家無事擁花眠
吹簫此夕饒清趣
擬泛髯蘓赤壁船

空靈岸贈棄木上人

快登彼岸悟靈空
雙槩澧洲夕照紅
樹種菩提成佛果
巖懸豁閭想神工
蓮幢僧小吟聲靜
鷺嶺樓高客思雄
一任千秋題詠遍
問誰

池北詩鈔

卷二

十六

能繼浣花翁

潭影

清絕江潭下深沈
豁兩眸人心空似鑑
水影淡于秋明月
一輪印冰壺萬古浮
此間吟不得來聽
有龍遊

蕭史樓翰撰挽詩

文星一夕隕茶鄉
第一人傳捉柱傷
家世無慚蕭北府
才各孤負李東陽
團兵未及平波

賊結義旟作吏終須侍玉皇祖德 君恩深
莫報九原知是憾難忘

丙辰元旦

他鄉離散此團欒爆竹聲中又履端絕不待
人惟歲序未能免俗尙衣冠誰從白下平蘇
峻我亦蒼生望謝安嬾合時宜無賀帖一尊
聊醉舊辛盤

向軍門輓歌

池北詩鈔

卷二

十七

獨障全淮水而今四載過大名垂宇宙百戰
老江河有子才堪將無軍涕不沱金陵未克
復遺恨九原多

文信國公從祀孔庭恭紀以詩

理學名臣世希有維宋從祀若某某南渡季
年兩狀元文山超出夢炎後當其射策南宮
時座主者誰王伯厚忠肝鐵石誼龜鑑是卷
何人出其右早知板蕩有誠臣結局終屬第

一人成仁取義本孔孟生祭何勞太廟生君
不見從容柴市心皓皓和淚題詩傷遺老酬
三百年養士恩教千萬世爲臣道由元及明
濫廡多誰獎文山下明詔我朝 宣廟歲
甲辰煌煌大典士氣伸儒曰先儒祭丁祭嗚
呼先生終宋之理學各臣

擬湘潭樂府

陶公山

池北詩鈔

卷二

十八

朝運甕暮運甕刺史齋中辛苦歷亡江左興
江左偏安之局繫乎我灑涕登舟濟大艱長
沙之勳史不刊彼都人士徒清談湘山湘水
春復秋八州都督此遲留羊叔子碑峙峴首
千古南鄉同不朽

懷杜處

古今何限愴流寓少陵終老湘潭任生當天
寶亂離年稷契之才乃空具去京去秦走復

奔之蜀之楚朝復暮回首朝廷涕淚中天遣
凍餓出秀句一過紀勝雅韻流弔古何人不
追慕澧蘭沅芷名并馨檣燕岸花景如故叢
祠欲拜浣花翁鑿石浦摩懷杜處

朱亭

坡翁昔治郡堤以蘇堤稱晦翁昔講學亭有
朱亭名喜怒哀樂旨未晰延平微聞張敬
夫獨得胡學精所以虛己訪扁舟來自衡樂

池北詩鈔

卷二

十九

與數晨夕奧義爲辨明從此洙泗風移在瀟
湘濱每每風雨夜如聞談論聲

孝子墳

瞻岳門門內纍纍孝子墳道周其名陳其姓
自宋迄今傳所聞少小慈闈禮不壞具盥及
饋日必拜家貧甘旨奉不廢視膳未徹不敢
退一朝血淚聞啼鵲海枯石爛悲莫填廬則
墓廬磚墓磚日甃五甃歷四年塋成孝子軀

亦捐阿娘相見黃泉天於戲昔時孝子淚今
日羨門煙孝子墳耐母墳邊豐碑表侵地復
後司李前州牧兩長官厲風俗

流水橋

史閣部死淮南何閣部死湘南流水橋清波
涵臣力竭死亦甘偏裨將作瞿曇殮公屍隱
茅庵二百年成美談

還我活陳鵬年

池北詩鈔

卷二

二十一

鄉賢名宦賢良祠陳恪勤公皆祀之西安山
陽著循聲擢知海州守金陵金陵饑饉金閭
疫瘡痍待起多裨益利興害除小見長豐功
第一在河防金雞兩下名修書當年註誤幾
捐軀終登昭代名臣傳知人則哲苟殊眷
君不見趙恭毅公傳口詔還我活鵬年

聖祖皇帝要

讀元史

趙家幼主作降王世祖欣然後獨傷母子幸
母仍見此一言青史自流芳
獵場一諫力回天償畜殺人法太偏聚斂終
非全活比桑哥那及鐵哥賢
名器從來不可干翰林內相本清閒緣何曲
律隨顛倒寵箇西僧教瓦班
資戒僧人四萬餘詒謀又把佛經書黃金消
耗三千九不肯飢民費斗儲

池北詩鈔

卷二

二二

漫言元后縱天才治業原由學業來五十年
間頻易主剛聞泰定講筵開
詔褒啓聖爵諸賢從祀還居董子先何事帝
師仍祖制一齊膜拜奉西天
科舉如何請詔停朝家省識重儒林圻橋偏
是過橋者參政空爭許有壬
虞楊范揭擅詩名四大家原有正聲概以近
織刪未選沈尙書太欠公評

贈文綠湖

高廟介八旬五代權同堂薄海頌聲作華祝
躋天莊龍種自衍慶麟趾斯呈祥豈有庶
人命而敢盛事望所以倉山叟藉藉自壽詩
及門看五代惟一談羽儀不圖歷四朝綠湖
其吉逢同堂亦五代世綵光熊熊回憶含飴
日兩丸跳西東八十一彈指孫又稱家公張
公九世居百忍家法傳陳公九世居飼犬無

池北詩鈔

卷二

二二二

後先千古兩人瑞翁也其三焉五代已躬邁
九代不踵旋謂是積善慶良由 聖恩全

好待采風者 熙朝佳話編

冬至後一日訪白齋上人櫟舫

見說龍巖老辨才相逢剛趁打包來詩傳棗
壽千秋業節過葭吹六管灰行色一瓶兼一
鉢禪心非樹亦非臺阿師未識攢眉客此後
重尋要舉杯

與友人論史

畢竟西天佛愛財蕭公三度贖身來荷荷應
可憐荷悔臺城日何不當初莫贖回

最苦閩中五代時魚鹽蔬果斂無遺祇今更有
推排法豈但區區楊剝皮
三千強弩射潮頭如此英雄得意秋可惜不
從羅隱諫錢家勲業付東流

舉朝競把鶴山尊好箇先生眾口喧笑煞小

池北詩鈔

卷二

二二二

雞聳然至不如嚴府一司閩

陪文小南民部謙集江樓

江上故人至登樓一舉觴雨添桃浪大風送
菜花香三載與君別二毛行自傷由來重民
事幾度問新秧

送小南民部掌教淥江書院

手捧溫綸下絳霄非同賀監老辭朝南還
暫借春風坐東道相逢夜月邀弔古客題紅

拂墓觀瀾人上淶江橋經年宿草悲芒谷遺
稿煩君姓字標訖縹訛鞍

池北草堂落成

草堂背市頗安恬山滿軒窗月滿簾池上一
篇吟白傅徑中三盞望陶潛未曾讀到書須
補不可居無竹待添詰歲西南除隙地數椽
更好皮牙籤

新居雜興

池北詩鈔

卷二

二四

曲巷得偏地新居笑我今一書常在手萬事
不關心疍維卻月房中樂如瓶座右箴漢陰
機已息轉斷轆轤音

莫以閒相謂匆忙半似愚澆花晨抱甕邀月
夜提壺好是枝頭鳥羞爲轅下駒有時吟興
發叉手又撚髭

了却向長願將成老秃翁縱無遊岳興儘有
課詩功責子非元亮添丁或小同荆妻原解

事要我學癡聾

一向林泉致居移心未移不栽荆棘草多種
鳳凰枝君子持三戒先生號五知但求裴寂
在免得亂離時

答鐵耕信

迢迢雙鯉故人書近况傳來慰所思愁似解
圍多命酒語防成識少工詩告存已失閻羅
信問卜休懷屈子疑老至一身歸百病年來

池北詩鈔

卷二

二二五

我亦賴盧醫

卽景

偶入深山訪鹿羣紆迴幽境絕塵氛野田蒼
麥花成雪古寺虬松葉裏雲閒度澗邊尋瀑
布倦眠石上惜苔文村童約伴提筐去拾粟
歸來日未曛

哭楨兒

過庭才喜韻同拈那料韶華不久淹無藥可

能醫性傲有書翻悔課功嚴子安壽促原天
定伯道愁深况老兼慰汝比兒完後事階前
蘭萼幸新添

贈陳小樓

跌宕紅塵歲幾侵高風蓮幕久相欽橫行萬
里蟘蜚夢長嘯一聲鸞鳳音湖海未能降士
氣江山偏與助詩心灞橋煙柳蘆溝月此日
猶聞感慨吟

池北詩鈔

卷二

二六

船齋落成有感

書齋底事以船名祇謂如船傍水橫今日船
中書滿架傷心不聽讀書聲舳舻移居齋
二月廿五日哭亡兒

雨絲風片縮愁多又是花朝十日過回首去
年當此日那堪雙淚湧西河

一豆豚肩一酒杯小祥教把祭筵開可憐四
歲童孫子著上麻衣也舉哀

朱亭故朱張講學之地流風餘韻至今歌詠
勿衰齊君海南其毅然興起有得於心者乎
咸豐辛酉余爲軍籌寓朱亭暇時尋古遺蹟
赤岸白沙仙蹤洞徑歷歷在目既而由獅嶺
陟添紫峯以觀十二太極圖水潑洄澄澈亦
足以滌塵想偶有所得輒與同人賦詩以紀
之一日聞海南池北草堂幽邃訪其居離市
稍遠已絕紅塵入門蘭氣迎人心乍靜俄焉

池北詩鈔

跋

一

主人出丰度灑然一接清談如舊相識余已
知海南之爲雅人也旣而引余入芳榭遊觀
清流繞檻映帶左右余喜此間水木明瑟曰
他日抱琴來爲子期彈流水一曲可乎海南
笑應之旋余歸故里籌修先人墓踰月仍旻
朱亭方思踐前日之約而君倏赴玉樓名矣
今春二月余來龍潭書院課諸生上已偶集
吟朋觴詠適何簡庭學博函寄讀史有感八

章而書中云齊海南老友遺詩一冊從子漢秋請序於予君盍跋其後又數日漢秋袖遺集來余披讀而玩味之見其真性情時流露於往來贈答間及懷古諸作事關名教感慨悲歌其寄託蓋有深焉者而其旨則歸於三百篇之無邪余今而乃知海南之果爲雅人矣抑又聞之海南直如朱繩其教子弟以義理凡百爲悉敦古處第能詩也哉余獨慨夫

池北詩鈔

跋

二

作者始以詩交簡庭至判袂已經十載而余僅與敦一見之歡是並不獲如朱張遊嶽唱酬之止於七日也然而讀其詩如見其人已與朱亭之山川鬱勃深人流連而不能置云同治二年癸亥初夏錦樓周裕駿

從父海南翁性和介慎交遊砥節礪行與物
無忤生平無他好惟嗜詩每當柳下風來桐
間月上焚香醮墨輒鏗然作金石聲歲己未
構池北草堂成其間花木明翳魚鳥親人一
闔闔中佳境也方思以八尺吟身作終老是
鄉計無何西河一慟吟興索然越辛酉夏遂
不起嗚呼從父逝矣翼回首束髮受書卽聆
鈞誨且示以作詩之奧循循誘我者而今不
可復得其悲感爲何如耶爰與從兄漢秋搜
其遺稿得詩若干首壽諸梨棗俾後之覽者
讀其詩如晤其人而從父爲不亡矣同治三
年甲子冬季堂姪雲翼敬跋

池北詩鈔

跋

一

先叔海南翁性恬淡不慕榮利其靜觀有得一寓意於詩晚年厭市囂因構別室以居有池有園一觴一詠其樂不減白傅也居無何遭從弟克生憂吟情漸鬱久之竟捐館矣嘗哀所作示鵬翼曰李杜以來作者代出其間不甚流傳者亦多余竊怪世人喜災梨棗肯復效之耶顧學製錦囊心肝嘔出異日毋令散佚可耳今睽違已五稔吟聲久寂手澤猶

池北詩鈔

跋

一

新爰與從弟鶴秋整輯遺篇授諸劖劂嗚呼詩以性情爲主叔父與家君敦友愛取康樂夢中句名其堂又喜培植子弟若鵬翼受恩尤不淺凡集中諸作半皆雲樹懷人風鶴感事其性情悱惻得騷人之遺至於辭之工拙則非所敢知也同治四年乙丑夏姪鵬翼盥手敬跋

附輓聯

早 自輓

下筆千言賸有詩篇留世上
蓋棺一笑幸逃劫數去人間

海南先生篤實君子也且能曠懷作達聞
易簣時自製輓聯有下筆千言蓋棺一
笑二語可想見其梗概然范家遺硯幸
有傳人乃孫世兄尙在稚齡而先生遽

池北詩鈔

然溘逝悲夫京與先生交最摯每常唱
和獨舊歲偶以紋石持贈先生作長歌
紀之兼且索和遷延未能報命今幽明
異路益不禁歉然于懷爰著哀辭懸諸
和右因并誌其顛末云

一笑縱逍遙撫茲石硯瑤環撒手祇憐拋去

早

千言真灑落唱到陽春白雪傷心終覺和來

難

長沙陳洪京

時事已如斯
淚眼徒然傷
杜甫詩名應不朽
吟魂猶可慰
方干

長沙何光震

人去草堂空
池水愁看風月冷
澤傳遺硯遠
孫枝喜卜桂蘭馨

湖北李慶餘

池北詩鈔

二

故硯有傳人
相看數尺孫
枝階前春好
清樽一招我
重訪十年舊
雨池北秋荒

何拔秀

五夜榻懸風
雨不堪懷舊友
一枝筆落江山也
要哭詩人

文霞

把酒重論君
去誰爲東道主
登車一慟我
來怕過西州門

賀紹循

天奪詩人蓮社祇今觴詠少
古有作者蔡城此去唱酬多

十六派炳震

君志足軼千秋憶從前賭酒聯詩蘭室雲霞
惟我接
吾宗又弱一个嗟此後寵梅愛竹草堂煙雨
待公歸

池北詩鈔

三

十六派芳樸

一幟樹騷壇掩卷難忘公去後
數年親塵誨登堂猶憶我來初

胡增輝

池草綠還生祇今夢冷孤衾殘句空賡老康
樂
階蘭香尙繞依舊春來別室遺書愁讀小楊
惓

兄開斐命男鵬翼誌慟

附輓詩

堂姪雲翼

春風拜別草堂寒
那料歸時覲面難
萍水悔遲遊子棹
竹林愁見棘人冠
百年喬木棲初穩
三載西河淚未乾
曾是芝蘭階畔客
傷心怕撫舊銅盤

池花秋冷鬼磷飛
弔客無人不淚揮
遺稿滿

池北詩鈔

四

床留手澤孫枝五尺泣
麻衣灌園身作麗公
隱投豆心知伯玉非
叔舊居號一代典型垂
裕遠待題碑石紀芳徽

